

Bosna i Hercegovina
Federacija Bosne i Hercegovine
KANTON SARAJEVO
Ministarstvo finansija



Босна и Херцеговина
Федерација Босне и Херцеговине
КАНТОН САРАЈЕВО
Министарство финансија

Bosnia and Herzegovina
Federation of Bosnia and Herzegovina

CANTON SARAJEVO
Ministry of Finance

Na osnovu čl. 15., 16., 19. i 20. Zakona o budžetima u Federaciji Bosne i Hercegovine („Službene novine FBiH“, br: 102/13, 9/14, 13/14, 8/15, 91/15, 102/15, 104/16 i 5/18), Ministar finansija donosi

**IZMJENE I DOPUNE BUDŽETSKIH INSTRUKCIJA BR. 2.:
IZRADA ZAHTJEVA ZA DODJELU SREDSTAVA IZ BUDŽETA
KANTONA SARAJEVO ZA 2019. GODINU**

Sarajevo, maj 2019. godine



web: <http://mf.ks.gov.ba>
e-mail: mf@mf.ks.gov.ba
Tel: + 387 (0) 33 565-005, Cent.+ 387 (0) 33 565-000
Fax: + 387 (0) 33 565-052 i 565-048
Sarajevo, Maršala Tita 62



Uvod

Skupština Kantona Sarajevo je 30.01.2019. godine donijela Budžet Kantona Sarajevo za 2019. godinu.

U skladu sa dostavljenim revidiranim projekcijama prihoda za 2019. godinu od strane Federalnog ministarstva finansija (broj: 05-15-5-3530/19 od 10.05.2019. godine) koje iskazuju rast prihoda od poreza na dobit, poreza na dohodak i indirektnih poreza Kantona Sarajevo u odnosu na prethodne, te u skladu sa ostalim novonastalim potrebama za izmjenama u rashodovnom dijelu budžeta, Ministarstvo finansija Kantona Sarajevo je informisalo Vladu Kantona Sarajevo o sljedećem:

Projekcijama od Federalnog ministarstva finansija za period 2019 – 2022 godina koje obuhvataju revidirane projekcije direktnih i indirektnih poreza Kantona Sarajevo za 2019. godinu predviđeno je ukupno povećanje prihoda u odnosu na usvojeni Budžet Kantona Sarajevo za 2019. godinu, kako slijedi:

	Planirani u Budžetu KS 2019.	Nove projekcije za 2019. godinu za date prihode	Razlika
	1	2	3 (2-1)
Porez na dobit	128.033.621	129.657.649	1.624.028
Porez na dohodak	144.313.021	150.798.810	6.485.789
Indirektni porezi Kantona Sarajevo	416.163.022	435.039.078	18.876.056
Ukupno:	688.509.664	715.495.537	26.985.873

U skladu sa sastancima sa resornim ministarstvima koji su održani povodom pripreme za izradu izmjena i dopuna Budžeta Kantona Sarajevo za 2019. godinu, tj. analiziranja dinamike izvršavanja Budžeta Kantona Sarajevo za 2019. godinu utvrđeno je da značajan broj projekata koji su planirani iz kreditnih sredstava neće biti moguće realizovati zbog nespremnosti projekata do kraja godine (cca 20 mil KM), a u isto vrijeme javila se potreba resornih ministarstava za finansiranje drugih kapitalnih projekata koji su prioritetni za novu Vladu i koji su spremni za finansiranje, a nije ih moguće drugačije planirati i realizovati osim donošenjem izmjena i dopuna Budžeta Kantona Sarajevo za 2019. godinu.

Integracijom Univerziteta u Sarajevo u trezorsko poslovanje i usvajanjem Budžeta Kantona Sarajvo za 2019. godinu u kojem je Univerzitet u Sarajevu planiran kao budžetski korisnik, te izvršavanjem rashoda istog u prvom kvartalu 2019. godine uočena je potreba za korekcijom planiranih vlastitih prihoda Univerziteta u Sarajevu, kao i određenih rashoda na pojedinim fakultetima koji nisu bili predviđeni, a koji su neophodni za funkcionisanje tih organizacionih jedinica.

Obzirom da je Vlada Kantona Sarajevo razmatrala mogućnost za većim iznosom izvršavanja vansudskih nagodbi od onih koji su predviđene u Budžetu Kantona Sarajevo za 2019. godinu, za realizaciju ove aktivnosti neophodno je planirati povećani iznos u izmjenama i dopunama Budžeta Kantona Sarajevo za 2019. godinu i predviđedi izvore sredstava iz kojih će se ova aktivnost finansirati.

Nakon utvrđivanja novog iznosa domaćeg zaduživanja u izmjenama i dopunama Budžeta Kantona Sarajevo za 2019. godinu potrebno je izvršiti i izmjenu Zakona o izvršavanju budžeta Kantona Sarajevo za 2019. godinu.

Vlada Kantona Sarajevo je Zaključkom broj: 02-05-21309-31/19 od 24.05.2019. godine prihvatila navedenu informaciju i zadužila Ministarstvo finansija Kantona Sarajevo da krene u proceduru izmjene i dopuna Budžeta Kantona Sarajevo za 2019. godinu, po hitnom postupku (Zaključak u prilogu).

U skladu sa članom 37. Zakona o budžetima u Federaciji BiH („Službene novine FBiH“, br: 102/13, 9/14, 13/14, 8/15, 91/15, 102/15, 104/16 i 5/18), izmjenama i dopunama budžeta ponovo se uravnotežuju prihodi i primici, odnosno rashodi i izdaci budžeta.

Ministarstvo finansija Kantona Sarajevo dužno je postupati u skladu sa Zakonom o budžetima u FBiH i poštujući odredbe člana 43. navedenog zakona pribaviti mišljenje Federalnog ministarstva finansija prilikom planiranja prihoda budžeta.

* * *

U skladu sa članom 19. Zakona o budžetima u FBiH („Službene novine FBiH“, br: 102/13, 9/14, 13/14, 8/15, 91/15, 102/15, 104/16 i 5/18), Instrukcije broj 2. sadrže:

1. Osnovne ekonomske pokazatelje

Osnovni ekonomski pokazatelji za 2019. godinu sadržani su u dokumentu „Smjernice ekonomske i fiskalne politike Kantona Sarajevo za period 2019 – 2021“ koje se nalaze na web stranici Ministarstva finansija Kantona Sarajevo.

2. Način izrade budžeta

Potrebno je da resorana ministarstva u skladu sa navedenim Zaključkom dostave zvaničan zahtjev za izmjene i dopune Budžeta Kantona Sarajevo za 2019. godinu **u kojem će eventualno izvršiti preraspodjelu sredstava unutar odobrenog budžeta, kao i kandidovati nove projekte čija je realizacija izvjesna sa detaljnim obrazloženjem i/ili umanjiti pozicije kapitalnih projekata čija realizacija neće biti moguća do kraja 2019. godine, kao i nove projekte čije se finansiranje vrši iz INO zaduženja.**

Ministarstvo finansija KS će u izmjene i dopune Budžeta Kantona Sarajevo za 2019. godinu uvrstiti sljedeće:

- a) razgraničena sredstva sa naznakom na kojoj poziciji su razgraničena i u kojem iznosu, što mora biti u skladu sa usvojenim Zaključkom o unosu razgraničenih sredstava (donacije, transferi, primici, namjenska sredstva i krediti),
- b) unose sopstvenih prihoda, donacija, transfera i namjenskih sredstava,
- c) sve provedene preraspodjele,

3. Rokovi za izradu budžeta (Izmjene i dopune Budžeta Kantona Sarajevo za 2019. godinu)

Ključni zadaci	Rezultati	Odgovorna ustanova	Ključni datumi
1. Pripreme Izmjena i dopuna Instrukcija broj 2. za budžetske korisnike	Pripremljene Izmjene i dopune Instrukcija broj 2.	Ministarstvo finansija	24. maj 2019.
2. Kreiranje dokumentacije za budžetske korisnike u vezi izrade Izmjena i dopuna Budžeta Kantona Sarajevo za 2019. godinu	Slanje Izmjena i dopuna Instrukcija broj 2. za budžetske korisnike sa odgovarajućim tabelama	Ministarstvo finansija	24. maj 2019.
3. Zahtjevi budžetskih korisnika za Izmjena i dopuna Budžeta KS za 2019. godinu	Budžetski zahtjevi finalizirani i dostavljeni Ministarstvu finansija	Budžetski korisnici	27. maja 2019.
4. Usvajanje Prijedloga Izmjena i dopuna Budžeta Kantona Sarajevo za 2019. godinu od strane Vlade	a. Podnošenje Prijedloga Izmjena i dopuna Budžeta Kantona Sarajevo za 2019. g. Vladi	Ministarstvo finansija	29. maja 2019.
	b. Usvajanje Prijedloga Izmjena i dopuna Budžeta KS za 2019. g. od strane Vlade	Vlada Kantona Sarajevo	30. maja 2019.
5. Razmatranje i usvajanje Prijedloga Izmjena i dopuna Budžeta Kantona Sarajevo za 2019. godinu na Skupštini	a. Podnošenje Prijedloga Izmjena i dopuna budžeta KS za 2019. g. Skupštini KS	Vlada Kantona Sarajevo	03. juni 2019.
	b. Skupština usvaja Prijedlog Izmjena i dopuna budžeta KS za 2019. godinu	Skupština Kantona Sarajevo	17. juni 2019.

4. Gornja granica rashoda za Izmjene i dopune Budžeta Kantona Sarajevo za 2019. g.

Gornja granica rashoda za Izmjene i dopune Budžeta Kantona Sarajevo za 2019. godinu treba da predstavlja početni nivo rashoda koji je odobren Budžetom Kantona Sarajevo za 2019. godinu, uz uvrštavanje rashoda (kapitalnih projekata i dr.), koje je Vlada KS utvrdila kao prioritete. Za nove kapitalne projekte i kandidovanje istih iznad naprijed navedene utvrđene gornje granice rashoda konačnu odluku donijet će Vlada KS nakon razmatranja radnog materijala Prijedloga izmjena i dopuna Budžeta Kantona Sarajevo za 2019. godinu koji će, na osnovu Zaključka Vlade, biti dostavljen od strane Ministarstva finansija.

* * *

Zahtjev za dodjelu sredstava iz izmijenjenog i dopunjenog Budžeta Kantona Sarajevo za 2019. godinu treba se dostaviti Ministarstvu finansija Kantona Sarajevo do 27.05.2019. godine u formi ovjerenog zahtjeva i elektronskoj formi, pridržavajući se naprijed navedenog Zaključka.

Broj: 08-01-14-21475-1/19
Sarajevo, 24.05.2019. godine



MINISTAR

Ministarstvo finansija Kantona Sarajevo